


SHANGAAN – “Lost”

# KU LAHLEKA



Ku lahleka exikarhi ka xihlahla lexikulu lexi nga lo tala hi swihari leswi kavutlulaka ni tinyoka leto leva a hi ku chavisa ka swona. Ku lahleka emananga, laha ku nga riki na mati, ni ndlela, hambi a ri mukombi wa ndlela, swi yisa eku feni. Ku lahleka exikarhi ka lwandle lero enta, ku nga ri na muchini lowu kombaka matlhelo, na swona, ku nga ri na swakudya, ni mati, kumbe maseyila ni muchini wa gezi, hambi ku biyeleriwa ku hisa ka dyambu ni ku titimela, swi vanga khombo. Ku

lahleka ehenhla ka tintshava leto leha leti funenge-tiweke hi gamboko ni mati lamo tiya, i rifu haku-nene. Ku lahleka emisaveni leyi teleke hi vudyho ni ku onhaka swi bihile hi ku tlurisa, hikuva swi ko-kela eku lahlekeni ka moya, ne ku feni, ne tiheleni hi laha ku nga heriki.

Muyimbeleri o tsarile a ku, “A ndzi karhi ndzi tsendzeleka ku fana ni nyimpfu leyi lahlekeke.” — *Psalma 199:176*. Tinyimpfu ti fanele ku risiwa, loko swi nga ri tano, ti ta wela ekhombyeni ra ku

phoriwa hi swivandzana, tinghala, na tibere, ni mahlolwa. Ti lava murisi wa xiviri kukotisa Davida, la nga dlaya nghala ni bere. Hikuya yena a a swi tsakela kulahlekeriwa hi vutomi bya yena hikwalaho ka tinyimpfu. Hina hi pfumala Yesu, loyi a nga Murisi Lonene, wo tshembeka, la nga nyiketa vutomi bya yena hikwalaho ka hina, kutani o hi yisa emadyelweni ya rihlaza ni le matini lamo rhula. Yesu a ku, "Hi mina Murisi Lonene, ndzi tiva tinyimpfu ta mina, kutani ta ndzi tiva na tona." Loko tinyimpfu ti ri ni murisi ntsena, a swi ringananga. Kambe murisi o fanele ku va murisi wa ntiyiso. Xikwembu xi ku ka Yeremiya, "Tiko ra mina a ri kotisi ntlhambi wa tinyimpfu leti lahlekeke; varisi va tona a va ti hambuxa." *Yer. 50:6, 7*. Mi nga tshuki mi landza varisi lava tivulaka lavo lulama, i vafambisi lavo-fe-mahlo, Kambe landzani Yesu, la teke ku lava ni ku hanyisa leswi loveke. Hikuya yena o lava lexi lahlekeke kukondza a xi kuma.

Malembe lamo tala lama nga hundza ndzi tshama ndzi hlangana ni vahloti vambirhi eSouth West Africa, lava nga tshama va lahleka emananga ya Khalahari. A va fambile mpfhuka wa mananga hi golonyi leyi a yi kokiwa hi timbhongolo leti lava ku va khu-mbirhi.

Kaku loko va fikile entshaveni yo hetelela, va ri ni vavasati va vona, ni vana va vona, va dzima matende ya vona kona. Kutani vavanuna lavambirhi va suka kwalaho va ya eku hloteni ka swihari. Siku rin'wana va kumile mikondzo ya timhala, leyi va nga yi landzelela, kukondza loko va ngenhile swinene exikarhi ka mananga. Loko ku lavile ku va nkarhi wa madyambu, muhloti wo sungula o vonile timhala, kutani a balesa ti nga ri tingani, kutani a sungula ku lava nakulobye. Kambe nakulobye a nga vonakanga. (Hikuya a landzelerile mikondzo ya mhala, leyi a nga anakanya leswaku yi ta ya humelela exikarhi ka ntlhambi wolowo, kambe a nga byelanga nakulobye.) Kutani a tlhelela exidulwini lexi ngi a ha ku xi hundza, a lava muhloti, kambe a nga n'wi kumanga. Kaku loko a ha lava, munyama wu funengeta, kutani a lahlekeriwa hi ndlela ya yena. A famba vusiku lebyo leha, a ringeta ku vona laha ku nga ni mindzilo ya matende, leyi a yi ta n'wi vuyisela enxaxeni, kambe hinkwaswo leswo a swi pfunanga nchumu. O fambile kambe ku ringana 64 wa mahora, kukondza loko a werile hanshi hi ku karhala, ni ku hetitwa ntamu hi ku lahleka, ni torha. Ririmi ra yena a ri pfimbile, na swona a ri huma ngati ri ri karhi rilengalenga enon'weni wa yena. wa yena. Kutani a tikuma a lahlekile, a dlawa hi torha emananga ya sava leri hisaka. Kaku loko a ha etlerise sweswo, a ri kusuhi ni ku fa, a sungula ku ku huwelela ka Xikwembu leswaku xi n'wi pfuna. A a nga swi koti ni ku humesa rito leri twakalaka ra xikhongelo, kambe Xikwembu lexi vonaka mbilu ya munhu, xi twile ku rila ka mbilu ya yena. Xikan'wekan'we, muhloti loyi ngi a ri kusuhi ni ku fa, a vona

Xihambano xi ri kulenyana, kutani kwala Xihambanweni ku huma rito leri huwelelaka, ri ku: "Ndzi ni torha." O swi tivile xikan'we leswaku a ri ri rito ra Yesu, leri a nga ri vula eXihambanweni. Kutani rito leri, ri ngenhile mmirini hinkwawo wa yena kukotisa matimba lama nyikaka vutomi. Hi nomu wolowo torha ra yena ri timeka, hi leswi a nga vona leswaku Yesu, N'wana wa Xikwembu, o twile torha ematshan'weni ya yena, exihambanweni xa Kalvary. Kutani ririmi ra yena ri tshika ku huma ngati, ri tlhelela ematshan'weni ya rona.

Kutani a yima a titwa a nga ha ri na torha. Ku karhala hinkwako, ni ku hela matimba a swi n'wi sukerile. A nkhenza Xikwembu hikwalaho ka leswi Yesu a nga twa torha eXihambanweni, ematshan'weni ya yena, leswaku yena a ta timiwa torha ni ku nyikiwa matimba. Swe-swo, a nkhenza Xikwembu hi mbilu ya yena hinkwayo, hi leswi xi nga hlangana na yena hi ndlela leyo hlamarisa. Kutani a rhalarhala, ku vona leswaku xana hi yihi ndlela leyi a nga ta famba ha yona ku ya kuma varikwavo. Loko a ri karhi a languta, a hlamarisiwa hi ku tshuka a vona voko lero saseka ra munhu, ri ri karhi ri komba ndlela, ri lengalenga empfhukeni. Kaku loko a ya mahlweni ka rona, a lava ku vona loko hakunene ri ri voko ra munhu, kambe rona ri famba emahlweni ka yena. A ku, "Leri i voko ra Xikwembu, ni rintihlo ra Xikwembu," a vula sweswo, loko a ri karhi a ri landzelela ku ringana khu-mbirhi wa mahora. Mikarhi hinkwayo loko a famba, voko a ri famba emahlweni ka yena, loko a yima, na rona voko a ri yima kwalaho. Kambe eku heteleleni voko ri yile ri ya yima ehenhla ka xihlovo xa mati lamo titimela. Kutani a nwa mati kukondza loko torha ri suka ka yena. Kaku loko a languta o vona, leswaku voko ri sukile, kambe kwala ndzhaku ka yena, o vona xidulu xa misava xi ri kusuhi, na wona nxaxa wa matende a wu vonaka. Loko a fika ematendeni o kuma leswaku vanhu varikwavo a va ri karhi va n'wi khongelela, leswaku ngi Xikwembu xi n'wi tlherisela ka vona a hlayisekile. O kumile na yena muhloti-kulobye a ri karhi a nwi khongelela. Leswi ngi na yena a lahlekile, Xikwembu a xi n'wi tlheriserile endyangweni wa yena hi ndlela leyo hlamarisa. Hikuya loko a fambile hi ndlela leyi nga riki yona, na yena o tikumii le a lahlekile emananga, hi ku famba vusiku hinkwabyo, a ri karhi a lava nxaxa, Kambe loko vurhonga byi ba, o hlamarisiwile hi ku vona n'wana wa yena wa mufana, wa malembe ya nhungu, a yimile exintshabyanini lexi nge kusuhi, a ri karhi a n'wi koweta. Kambe a nga twisisanga hi laha mufana a nga va a swi kotile ha kona ku famba mpfhuka lowu a ri yexe. Hambile leswi mikondzo ya mufana a yi nga vonaki, kambe xivono a xi vonaka khwatsi, lero a kondza a ya lomu ku nga ni xintshabanya; kutani na xona, a xo hundzela mahlweni, kukondza a hundza swidulu swa ntsevu. Loko a fikile xidulwini xa nkombu, lomu mufana a koweta a yimile ko-

na, a nga kotu ku vona nxaxa wa matende. Xikan'we o tikumile a ri kusuhi ni lomu ngi n'wana wa yena a a telele kona. Kwalaho, hi laha a nga vona leswaku Xikwembu a xi tirhisile xivono eku n'wi ponisa.

Na hina, hi kotisa vahloti, lava hlotaka swilo swa misava leyi, ku fana ni rifuwo, ni ku tsala, ni ku tshamiseka, ni mali, ni ku tsaka, ni ku hluvuka, ni swilo leswo tala, lero hi kondza hi rivala ku rhangha hi tilavela ku fuma ka Xikwembu, ni ku lulama ka xona. Ho lahleka ntsena emananga ya misava leyi hi tlhelo ra swa moya. Moya wa hina wu ni torha ra Xikwembu, xi nga Xikwembu lexi hanyaka. Loko hi nga huweleli ka yena hi ku vaviseka, ni loko Yesu a nga si kombisiwa ka hina tani hi Xihlovo xa Vutomi, hi ta lahlekisa sweswo. Yesu a ku, "Ndzi tile ku ta lava ni ku hanyisa leswi loveke." O lava nyimpfu leyi lahlekeke kukondza a yi kuma. O lava wena na mina. Xana nyimpfu yi lahlekisa ku yini? Yi lahlekisa hi ku navela leswo biha, hi ku ka yi nga yingisi rito ra murisi, hi ku salela ndzhaku loko murisi ni tinyimpfu ta yena va hundzela mahlweni, hi ku yingisa rito ra muringi, kumbe hi ku tsutsumela mahlweni ka tinyimpfu, na ku tihlawulela madyelo ya yona yi ri yoxe.

Xana n'wana wa vusopfa o lahlekise ku yini? O naverile mitsakiso leyo biha ya misava leyi. A nga nkhsanga tata wa yena, kambe a a ngeniwile hi rirhandzu ra mali, leyi nga rimintsu ra vu dyoho hinkwabyo. Xikwembu xa misava leyi a xi pfarile mahlo ya yena, leswaku a nga tshuki a tivona, loko a ri karhi a rhetela endzhopeni wa vudyoho, a sukela Xikwembu ni tata wa yena, loyi mikhongelo ya yena a yi landzela n'wana. Kaku loko a ha risa tinguluve, ni ku xanisiwa hi ndlala, a pfuka evuhungukwini bya yena. Sweswo a sukela tinguluve kun'we ni n'winyi wa yena lowo biha, la nga n'wi alela loko a naverile ku xurha hi makamba lama a ma dyiwa hi tinguluve. Kutani a vuyela ka tata wa yena a ku, "Ndzi dyohele tilo (Xikwembu) na wena, a swi ndzi faneri ku tshama ndzi vuriwa n'wana wa wena." A nga holovelanga un'wana loko a nga ri yena n'winyi, loko a te, "Ndzi dyohile." *Luka 15:11-32*. Kambe tata wa yena a n'wi amukela hi rirhandzu, a ku, "N'wana loyi wa mina a a file (hi tlhelo ra moya), kutani o hanyile, a a lahlekile kambe o kumiwile."

Yesu a ku, "Wansati hi wihhi la nga ni khume ra macheleni, kungaku loko a lahlekeriwe hi rin'we ntsena, a nga a ka nga lumeki rivoni, a kukula yindlu, a langutisa a ko a ri kuma. Kute loko a ri kumile, a vita varikwavo, ni lava akeke na yena, a ku ka vona: A hi tsakeni swin'we, hikuva ndzi kumile cheleni ra mina leri ngi ri lahlekile." A ku na munhu la nga holovelaka cheleni loko ri lahlekile. Maria na Yosefa a va lahlekeriwe hi Yesu etempeleni ya le Yerusalem, kutani va n'wi

lavile ku ringana masiku manharhu, kukondza loko va n'wi kumile. Madzana-dzana ya swirho swa kereke va lahlekile eka Kriste. A va si n'wi kuma, a va si tswariwa ra vumbirhi hi Rito na hi Moya lowo Kwetsima, ne ku amukeleni ka Yesu, tani hi Muponisi wa vona. Loko hi vulavula hi tlhelo ra ku fuma ka Xikwembu, va lahlekile, hikuva Yesu o te, "Hundzukani, ku fuma ka Xikwembu ku tshinele." "Loko munhu a nga tswariwi ra vumbiri, a nga ka a nga ngeni ku fumeni ka Xikwembu." Tsundzuka, leswaku Yesu wa ha rhandza ku ponisa lava lahlekeke. Wa ku lava, kutani loko na wena u n'wi lava, u ta n'wi kuma hi ku tsaka lokukulu ka le vutomini bya wena. Kumbe se u lahleriwile hi ku rhula ka wena, ku tenga ka wena, ku tsaka ka wena ka ku rivaleriwa swidyoho, ni vumbhoni bya wena emahlweni ka Xikwembu ni vanhu. Ku lave, kukondza loko u ku kuma eka Yesu. Kumbe u lahlekeriwe hi rihanyo ra mmiri, vutshamo, ntirho wa wena, muholo wa wena, kumbe i mali ya wena. Tisa ku karhateka ka wena, ni swivavi swa mbilu eHosini, leyi nga yona yi tivaka ku tlherisela hinkwaswo eka wena, hambiyi nga va yini na yini. Kambe tsundzuka leswaku, "La hlaysaka vutomi bya yena, o ta lahlekeriwa hi byona, kutani la lahlekeriwaka hi vutomi bya yena hikwalaho ka Kriste, o ta engeta a byi kuma." U nga fuwa misava hinkwayo, kambe u lahlekeriwa hi moya wa wena lowu nga ni nxavo lowu tlulaka rifuwo hinkwaro ra misava leyi.

Hinkwerhu hi lahlekile hikwalaho ka swidyoho swa hina. "Kungaku loko hi vula leswaku a hi na vudyoho, ha tixisa, kutani ntiyiso a wu kona ka hina. Loko hi vula leswaku a hi dyohanga, hi xi endla muhambi, kutani rito ra xona a ri kona ka hina." *I Yoh. 1:8-10*.

A ku na munhu ni un'we wa hina, la fanelaka ku tshama ku lahlekeni lo'kotano, "hikuva N'wana wa Munhu o tile ku lava ni ku hanyisa leswi loveke. *Luka 19:10*. Hosi yi le kusuhi na wena, kutani loko u yi lava, u ta yi kuma, kambe u fanele ku yi lava sweswi. "Lavani Yehova a ha kumeka, huwelelani ka yena loko a ha ri kusuhi." *Esaya 55:6*. Ku ni mhaka yin'we leyi nga tiya, hi leswo, Muponisi la lavaka, ni mudyohi la lavaka, va tala ku kumana va ri vona. "Loko u n'wi lava, u ta n'wi kuma." *Mateo 7:7*. Loko u ta va u n'wi kumile, ni loko u ta va u nyiketile vutomi bya wena eka yena, hinkwaswo swa wena u ta rhandza ku swi veka emavokweni ya yena. Kutani yena, Murisi lonene wa tinyimpfu, o ta ku fambisa emadyelweni ya rihlaza ne Vutomini lebyi nga heriki.

Wena la lahlekeke, huwelela eka yena sweswi. U nga tshuki u kanakana, "Hikuva mani na mani la nga ta khongela vito ra Hosi, o ta ponisiwa." *Vaapostola 2:21*.

# HUMA

Huma ematimbeni ya ku fumiwa hi vudyoho. Huma emfun'weni wa Satana. Yesu i Hosi ya tihosi ni Mufumi wa vafumi. Ku fuma ka munyama ku hluriwile hi Yesu, Hosi ya ku vonakala, ni Hosi ya ku rhula. Huma evukhumbini bya vudyoho, ne vukhumbini by Satana. Yesu o tele ku ku ntshunxa. Kutani yena o rihile nandzu wa ku kutsula emurhini wa le Kalvary. O fele wena, leswaku a ku ntshunxa.

Huma evukhumbini bya ku chava, ku chava rifu, leri Satana a ku tshikelelaka ha rona masiku hinkwawo ya vutomi bya wena. Yesu o hlurile xidyoho, hikwalaho ka rifu ra yena exihambanwe ni, laha a nga fela wena na mina. Rifu ra yena ri ve xikombiso xa ku hlula. O ngenile endleleni ya rifu kambe o hlurile rifu. O pfukile sirhweni, a hanya hi laha ku nga heriki. Hina ha hanya, hikwalaho ka leswi yena a hanyaka. Hi vambiwile hi tthele hi fa hi tlhelo ra vudyoho na vu-mina, hikuva yena Yesu hi xiviri, o vambiwile a tlhela a fa ematshan'weni ya hina. Kambe o pfukile, leswaku hi ta tsetseriwa, ni leswaku ha yena, hi ta kuma vutomi lebyi nga heriki.

Kambe Satana, la nga tshama a va ntsumi ya ku sirhelela, yena ntsumi leyi langutelaka mi-sava leyi, o titlakusile emahlweni ka Xikwembu, a ku: "Ndzi ta tlhandluka henhla ka mapapa, ndzi ko ndzi fana ni Muungameri la tlakukeke." Kambe Xikwembu xi te, ka yena: "U wisiwe le xivandleni xa vafi, ekheleni leri enteke ngopfu!"

*Esaya 14:12-16.* Kambe Satana, xikwembu xa mi-sava leyi o hluriwile. A nga ka a nga ha fumi va-bohiwa va yena kambe, handle ka loko va nga tlhelanga va tinyiketa ka yena hi ku tirhandzela ka vona.

Xikwembu xi hi tsundzuxa ku huma hanshi ka mfumo wa vudyoho ne matimbeni ya Satana. Xi tihlawulele Yesu eku va mufumi wa vanhu na ku va Hosi ya hinkwawo. Hikwalaho, humani xikarhi ka vona, mi tihlawula, ku vurisa sweswo Hosi. *2 Kor. 6:17.*



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)